

Monday, February 9, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

SAIRANG – SILCHAR RAILWAY LINE

Union Railways Minister Ashwini Vaishnaw chuan vawiin chhun dar 12 khan Sairang leh Silchar inkara passenger phur rel service a vailiam a; Sairang leh Silchar inkar passenger phur rel service hi kar khatah ni 5 a service dawn.

Sairang leh Silchar inkara passenger rel service tur hi Silchar atangin Thawhlehi, Nilaini, Zirtawpni, Inrinni leh Pathianni ahte zing dar 7-ah a chhuak thin dawn a; chhun dar 12 leh a chanveah Sairang station a thleng thla tura ruahman a ni.

Sairang atangin kar tin Thawhtanni, Thawhlehi, Ningani, Zirtawpni leh Inrinniah Silchar panin a service dawn a, chhun dar 1-ah chhuakin zan dar 6 leh a chanveah Silchar station thleng tura ruahman a ni bawk.



PARIKSHA PE CHARCHA

PM SHRI Kendriya Vidyalaya Aizawl Principal Jaibir Singh chuan Prime Minister Narendra Modi leh zirlaite inkawmna chuan zirlaite leh an nu leh pa te hmasawmna tam tak a pe tih sawiin an inkawmna chuan zirlaite hmasawmna kawngah nasa takin a pui tih a sawi.

Akashvani News Aizawl palai nen an inkawmna ah he thu hi sawiin Pu Jaibir Singh chuan an school PM SHRI Kendriya Vidyalaya Aizawl ah zirlaiten a huhovin Prime Minister Narendra Modi leh zirlai inkawmna February ni 6-a tihchhuah chu Live in an lo thlir a ti a, an zirlai 630 laiin Live in an hmu thei tih sawiin a hmuna kal Lalthlamuanpuii Pachuau chu an chhuang hle tih sawiin a kal ve lo te pawhin Live an en atangin hmasawmna tam tak an hmu thei tih a sawi.

Principal sawi danin Pariksha Pe Charcha chu kum dangah pawh an lo hlawkpui ta wh thin tih sawiin hei hian zirlaite mahni inrintawkna nasa tak a pe a ti a, hmasawmna tam tak a thlen tih a sawi.



GINGER

Mizoram sorkar chuan sumdawngten kut hnathawktute sawhthing an leina tur hniam ber a bitukte chu vawiin hian a ennawn dawn a; February 2-7, 2026 chhunga sorkain sawhthing man (wholesale rate) a siamte hi Rs 40-45 inkar niin, sumdawng zingah sorkarin sawhthing man hniam ber tura a bituk anga lei ngam an awm lo a ni.

Akashvani News Aizawl thudawn danin, February 2-7, 2026 chhung atana sumdawngten kut hnathawktute sawhthing an leisakna tur man (rate) hniam ber

atana sorkarin a bitukte chu vawiin chhun dar 1 hian sorkar hotuten an ennawn dawn. Sumdawnngten sawhthing an leina tur zat sorkarin a bituk nan hian Siligury-a sawhthing man zat leh Siligury-a sawhthing phurh thlenna man zatte chu sorkarin a hmang ber a, nimir khan Siligury-ah sawhthing kg khat Rs 58 niin, tunah hian sawhthing kg khat Rs 6/7-in truck-ten Siligury-ah an phur thleng a; sorkar chuan henge enchung hian kut hnathawktute tana hlawk tur siin a man hniam ber tur a bituk ta a ni.

Mizoram sorkar chuan kumin hian district hrang hrangah sawhthing lei/hralhna hmun secondary collection centre (SCC) 64 a siam a; sorkar ruahman dan chuan SCC tina sumdawnngten sawhthing an leina man hniam ber (reserved price/floor price) tur chu India ram hmun hrang hranga whole sale market (Mandi) rate enchungin kar tin emaw, a tul ang zelin a bituk dawn a ni.

Voicecast

February 2-7, 2026 chhung atan Mizoram sorkar chuan SCC 64-a sumdawnngten sawhthing an leina man hniam ber tur a bituk a, sorkar bituk anga sawhthing man chu a sang ber kg khat Rs 45 niin, a hniam ber chu kg khat Rs 40 a ni. Laboratory-a enfiah a nih hnua sawhthing quality tha leh chemical tel loa enkawl (organic)-te chu a man a sang bik a, entry point (Vairengte) atanga SSC hlat zawng pawhin sawhthing manah hian nghawng a nei bawk.



BJP PRESS CONFERENCE

BJP chuan vawiin khan Siaha Press Club ah Union Budget 2026-2027 chungchang sawiin Mizoram chan tur sum pung chuan hmasawna tam tak a thlen an beisei thu an sawi.

MADC a Executive Member Pu Beirahmo Syhly chuan thuthar thehdarhtute an kawmna ah Union Budget tharah hmasawna tam tak a awm dawn an ti a, heng hmasawna zingah hian Mizoram chan tur sum pawh a pun beisei ani tih sawiin ram Viksit Budget chuan India in kum 2047-a ram hmasawn nih a tumna lam a hawi tih sawiin he hmasawna tel ve turin Mizoramin theihtawp a chhuah a ngai an ti a, budget pung tur chuan hmasawna tha zawk a thlen an beisei thu a sawi.

BJP Secretary Pu T Beilakha, Siaha chuan Budget chu mi tin tan duan anih angin khawpui leh thingtlang hmasawna rualhkai zawka a awm theihna tura duan ani a ti a, hmarchhak kilkhawrah pawh hmasawna a thlen beisei ani tih sawiin Autonomous huamchhunga awm te pawh hmasawna tura ruahmanna ah an tel ve tih a sawi bawk.



MOCK DRILL

Vawiin khan Mamit, Kolasib leh Champhai District ah, chhiatrupna thlen thulha chetlak dan tur inzirna, mock drill neih a ni.

Champhai District Disaster Management Authority (DDMA) kaihhruaina in Mock drill hi hmun li-ah neih a ni a, CHANEM Building, Champhai District Hospital, District Education Office leh Pu PC Lalbiakmawia in Champhai Vengsang-Kahrawt Junction ah te neih a ni.

Siren hi chawhma dar 10:30 -ah tih rik niin, heng hmun hrang hrang kan sawi ah te hian Mock drill neih chhonzawm nghal a ni.

Chawhnu dar 2-ah hian Mock drill felfai takin tih zawh a ni em tih sawiho turin hun hman leh a ni dawn a ni.

